



Ko te take o tēnei Whakarāpopoto Kaupapa Here hei whakamārama i ētahi o ngā āhuatanga matua o te Kaupapa Here.

He tirohanga whānui poto noa iho tēnei Whakarāpopoto Kaupapa Here, ā, kāore i te noho hei wāhanga o te kirimana ki waenganui i a koutou me mātou.

KIA ĀTA PĀNUITIA TE KAUPAPA HERE INA RIRO I A KOE.

Kei te Kaupapa Here tūturu te mōhiotia katoa, ā, kei te whakatakotoria ki reira ngā here.

Whakarāpopoto Kaupapa Here –

Kaupapa Here Māuiui Taumaha (Critical Illness Policy)

I tēnei Whakarāpopototanga Kaupapa Here, ko ngā kupu “mātou”, “tā mātou” me “tō mātou” ko te *American Income Life Insurance Company*, te kaiinihua i raro i te Kaupapa Here.

Ko te tikanga o ngā kupu “koe” me “tō/tāu/tōu” ko te tangata kua whakaingotia hei “Hunga Whai Inihua” ki te Tāpiritanga Kaupapa Here.

Kei te tukuna e te Kaupapa Here ngā āwhina mō te whakatau māuiui tuatahi o tētahi māuiui taumaha e kapi ana

Kei te inihuangia e te Kaupapa Here te wā tuatahi ka whakatau te Tangata Kapi ki tētahi māuiui taumaha kua kapi i te Kaupapa Here.

E ono nga mate taumaha kua kapi i te Kaupapa Here. Arā:

- te manawa hē;
- te roro ikura;
- te wāhanga whakamutunga o te mate whanewhane (renal failure);
- te whakawhiti whēkau matua;
- te ngaronga katoa o te rongō; me
- te ngaronga katoa o te kitenga ā-karu.

Heoi anō, ka kapi aua mate taumaha i te Kaupapa Here mō tētahi Tangata Kapi mēnā ka whakatutukihia ngā ture o te Kaupapa Here, kei roto nei ko ngā whakamāramatanga me ngā here e hāngai ana i ki ia mate taumaha.

Ko te tikanga o te “Tangata Kapi” ko koe, ko ia mema whai inihua o tō whānau ki raro i te Kaupapa Here.

Kei a koe te tika hei whakakore i te Kaupapa Here i roto tonu i te 10 rā mahi

Ki te kōwhiri koe ki te whakakore i te Kaupapa Here i roto i te 10 rā mahi o te whiwhinga mai i a mātou, ka noho mātou, ka noho hoki koe ki te āhuatanga ōrite i tērā mēnā kāore i tukua he kaupapa here. Ina ka pērā, mā mātou e whakahoki ngā utu inihua kua utua e koe.



Ka taea te inihua i tāu hoa mārena, tāu hoa uniana ā-pāpori, tāu hoa moe māori rānei ki raro i te Kaupapa Here

Ka tuku te Kaupapa Here i ngā āwhina e ai ki ētahi here

Ka taea te whakakore i te Kaupapa Here mā te whakamōhio atu ki:

- a mātou, ki ā mātou taipitopito whakapā ki runga ake; tērā rānei
- te kaitohutohu *AIL o Aotearoa* nāna i hoko atu ki a koe.

Ki te whakakore koe i te Kaupapa Here ā muri i te 10 rā mahi o te whiwhi i tērā, kāore mātou e whakahoki i ngā utu inihua kua utua e koe.

Ka taea te inihua i tāu hoa mārena, tāu hoa uniana ā-pāpori, tāu hoa moe māori rānei ki raro i te Kaupapa Here.

Engari ki ia kēhi, kia inihuangia ai me mātua whakaingoa ia ki te tono, me tāpiri rānei ki te Kaupapa Here i muri i te tukungā.

Kei te Kaupapa Here ētahi whakaritenga taipitopito mō te mutunga o te inihua i tāu hoa mārena, tāu hoa uniana ā-pāpori, tāu hoa moe māori rānei i raro i te Kaupapa Here.

Ka utua anake e mātou te āwhina hāngai mēnā ka whakatinanatia tuatahitia te māuiui taumaha ā muri i ngā rangi e 30 tuatahi e mana ana te Kaupapa Here. Ka "whakatinanatia" tuatahitia te māuiui taumaha ina kitea he tohumate e hāngai ana ki te māuiui taumaha ka tuku i te tangata matawhāiti noa ki te rapu whakatau māuiui, tiaki, whakamaimoatanga rānei.

Ā muri i aua rā e 30 tuatahi, ka utu mātou i te āwhina hāngai mēnā ka whakataua tuatahitia te Tangata Kapi ki te Mate Pukupuku ina mana ana tēnei Kaupapa Here. Ko te tikanga o "mana" kāore anō kia mutu te kapi inihua.

Kei te whakatakotoria te rahi ka utua e mātou ki te Āpitihanga Kaupapa Here. Ka utu mātou i te haurua o taua rahi mēnā ka whakatauhia tuatahitia te Tangata Kapi ki tētahi māuiui taumaha e kapi ana ā muri i te huringa tau o te Kaupapa Here whai muri i tōna rā whānau e 65.

Ina utua e mātou te āwhina, ka mutu te inihua ki raro i te Kaupapa Here mō tērā Tangata Kapi.



Ka whakanau pea mātou ki te utu i ngā āwhina ki te kōrero mai koe i tētahi mea hē ki tō tono

Kaore mātou e utu i tētahi āwhina i ētahi āhuatanga

Me mātua utu ngā utu inihua auau

Ki te kōrero mai koe i tētahi mea hē ki tō tono mō te Kaupapa Here (ka waiho rānei i tētahi mea), i roto i ngā tau e rua tuatahi ka pēnei pea mātou (ina whakaaetia e te ture):

- ka whakakore, whakakore i te mana rānei o te Kaupapa Here; ā,
- ka whakanau ki te utu i ngā kerēme ka tukuna e koe.

Ā muri i te hipanga o taua rua tau, kāore mātou e whakakore, e whakakore i te mana rānei o te Kaupapa Here, te whakanau rānei ki te utu i ētahi kerēme mēnā i kōrero mai koe i tētahi mea hē ki tō tono (i waiho rānei i tētahi mea). Ka pēnei ki te kore koe i tinihanga i tāu whakamahi pērā.

Kei te inihua anake te Kaupapa Here i ētahi māuiui taumaha anake. Kei te whakatakotoria ki te Kaupapa Here ngā taipitopito o ia māuiui taumaha kua kapi. Kāore e inihuangia ana te mate pukupuku e te Kaupapa Here.

Kāore mātou e utu i te āwhina mēnā ka tukuna te whakatau māuiui tuatahi o te Mate Pukupuku i waho i Aotearoa, i Ahitereiria, i Ngā Whenua Tōpū o Amerika rānei.

Kāore mātou e utu i ngā āwhina māuiui taumaha ina takea mai ana te ngaronga, ka whakakahangia rānei e te:

- whakauru ki tētahi whakaekenga, tētahi taihara ka whiua pea e te whakaherehere, tētahi whana, tētahi tutū rānei;
- ngā māuiui ā-hinengaro, ā-kare-ā-roto rānei;
- te whakamomori, tētahi ngana whakamomori rānei, ahakoa i runga i te ngākau ora, ahakoa he pōrangī rānei, mai i tētahi whara nā te tangata anō i whakamahi i runga i te takune rānei;
- te pakanga, tētahi mahi pakanga rānei, i tētahi whara rānei ka pā mai i te wā e mahi ana ki ngā ope tauā e tūhono ana ki te pakanga, ahakoa he mea whakapuaki, kāore rānei;
- te kai, te inu, te miti rānei, te noho ki raro rānei i te pānga o te waipiro, o mea whakahaurangi kē rānei (atu i ngā pūroi e whakaaetia ana e te ture nā te tākuta i tūtohu).

Me mātua utu ngā utu inihua auau ki a mātou kia pupuritia tonutia ai te mana o te Kaupapa Here. Kei te whakatakotoria te rahi o ngā utu inihua ki te Āpitianga Kaupapa Here.

Mēnā kāore anō kia utua te utu i mua i te rā me utu, ka whakaaetia e mātou e 31 ngā rā kia utua te utu inihua.



Ka whakahou aunoatia te Kaupapa Here

Ka pēhea tō tuku kerēme

Ko te kī taurangi ka taea te Kaupapa Here te whakahou tae atu kia 80 tau tō pakeke. Ka pēnei mēnā ka utua ngā utu inihua, ā, ka whakatutukihia ō kawenga i raro i te Kaupapa Here. I te roanga o te wā e mana ana te Kaupapa Here, ā, e whakatutukihia ana ō kawenga i raro i te Kaupapa Here, e kore e taea e mātou te whakakore i te Kaupapa Here, te whakatakoto rānei i ētahi atu here tāpiri ki runga.

Kei a mātou te tika ki te panoni i ngā rahi utu inihua whakahou mō te Kaupapa Here. Ka pā te panoni pēnei ki ngā kaupapa here katoa i Aotearoa he ōrite te āhua o te Kaupapa Here. Ka tukuna te pānuī o te panoni ki a koe i te 31 rā i mua.

Me mātua whakamōhio mai koe i a mātou (i tētahi kaitohutohu a *AIL o Aotearoa* rānei), ā-tuhi, mō tētahi kerēme i roto tonu i te 60 rā o te whakatau mate tuatahi o tētahi mate taumaha kapi, i te wā tata rawa ka taea ā muri i taua wā rānei.

Mā mātou e tuku ētahi puka kerēme ki a koe hei whakaoti ina whakamōhio mai koe i a mātou mō tō kerēme.

Me whakaoti e koe ngā puka kerēme, ā, me whakahoki mai ki a mātou (ki tētahi kaitohutohu *AIL o Aotearoa* rānei), me te rau atu i ngā mōhiohio rongoā tautoko e hiahiatia ana. Me pēnei koe i roto tonu i te 90 rā o te rā o te whakatau māuiui tuatahi o tētahi māuiui taumaha kua kapi. Ki te kore e taea te whakaoti me te whakahoki i ngā puka i roto i tēnei here wā, tērā pea ka whai wā anō koe kia mahi pēnei (e ai ki te kōrero ki te Kaupapa Here).

He here motuhake kei ngā kerēme mō ētahi māuiui taumaha kua kapi. Hei tauira, ka hiahiatia te taunakitanga ā-io (pērā i te whakaaturanga ki te Kaupapa Here) ki te hāngai tō kerēme ki tētahi roro ikura.

Ka utua e mātou ngā āwhina ka utua ki raro i te Kaupapa Here ina whiwhi mātou i te whakatūturutanga ā-tuhi o te whakatau māuiui tuatahi o tētahi māuiui taumaha e kapi ana.